



Rapport 2020 vum Qualitéitsbeoptraagten

Léif alleguer,

Als Qualitéitsbeoptraagte vum DLJ freeën ech mech, iech de Rapport vum Qualitéitszierkel virstellen ze dierfen.

D'COVID-19 Pandemie ass een Thema, dat déi Jonk sou wéi d'Jugendstrukture viru gréisser Erausforderunge gestallt huet an ëmmer nach stellt. Aus dësem Grond huet de Qualitéitszierkel sech dësem Thema ugeholl, a schafft u Léisungen, Strategien a Kooperatiounen, fir d'Qualitéit an de Jugendstrukturen och an Zäite vu Corona ze assuréieren. Ee Schwéierpunkt läit dobäi an de positiven an negativen Effekter vum COVID-19 op d'Qualitéit an der Jugendarbecht.

An dësem Kader lancéiert den DLJ eng Initiative a Kooperatioun mat verschiddene Jugendhaiser a Jugendservicer déi d'Zil huet, Jonker ze stäerken, hiert Wuelbefannen am Sënn vum Bildungsrahmenplan ze fërderen, hinnen Aktivitéiten am non-formale Kader unzebidden, a si op weiderféierend Berodungsofferen opmierksam ze maachen – einfach een oppent Ouer fir si ze hunn.

Duerch eng Kanaliséierung vun existéierenden Offeren a Ressourcen an duerch eng (virtuell) opsichend Approche sollen all Jonker erreecht ginn, och déijéineg déi net an ee Jugendhaus ginn.

Op dëser Plaz soen ech de Membere vum Qualitéitszierkel, dem Conseil d'Administration, an der Ekipp vum DLJ ee grouse Merci fir déi gutt Zesummenaarbecht.

Schliisslech wëll ech och nach dem Elly Reding, dat sech aus dem Qualitéitszierkel zrëck gezunn huet, ee grouse Merci soen, fir säin Engagement an de leschte Joren.

Mat beschte Gréiss,
Marc Seiler, Qualitéitsbeoptraagte vum DLJ